

# KOVÍDH-19 véksin ókkol or babote

## Oñnottu zanar zorurot aséde 7 tan hákikot ókkol



### Hákikot #1

**KOVÍDH-19 véksin óle oñnor háñse KOVÍDH-19 no far garaibou.**

KOVÍDH-19 véksin ólot váires or honó híssa cámil nai, toile iinottu KOVÍDH-19 noi bou. KOVÍDH-19 véksin óle oñnore váires ottu maháfuz rakibou. Véksin maríle oñnottu dhuwáñ bic yáto gaatzor or dhoilla sáidh efékth ókkol oit fare. Íin oilde maamuli ar cádaron cíz.



### Hákikot #2

**Toiyarír bósora bosóri tahákik loi KOVÍDH-19 véksin ókkol héfazot ase.**

KOVÍDH-19 véksin ókkol toiyarít maze honó tobka bad nó de. Fura duniyáittu sáñisdar óle doc bosór ottu becí comói théknoloji íin or uore has gori áiyer. Íyan or harorne eto becí toratori úggwa héfazoti ar asór goréde véksin bana cómbon óiye.



### Hákikot #3

**KOVÍDH-19 véksin óle váires or ek ottu becí zat or hélaf oñnore héfazot gorít fare.**

Váires ókkol comoi faraité, tobdil o, yáto camainno bodole o. Ehón foijjonto zana giyéde KOVÍDH-19 biaram foida ode váires or zat olor hélaf KOVÍDH-19 véksin gin é asór goréde íyan maalumát or zoriya zana giye.



### Hákikot #4

**KOVÍDH-19 véksin óle oñnor DNA re no fal daibou.**

KOVÍDH-19 véksin ókkol oilde mRNA véksin ar honó bafe íin e oñnor DNA loi taalukat no raké. Íine oñnore KOVÍDH-19 biaram ottu héfazot goréde enthiboudhi ókkol toiyar goribólla biaram rukibar nezam or hálcál ore cúru goride.



### Hákikot #5

**KOVÍDH-19 loi báza (fuwa biyar cókti nai) yáto adinna fuwa biyar loi honó taalukat nai.**

Zehonó KOVÍDH-19 véksin or harone báza oiye yáto adinna fuwa oiye hoi eçe honó maalumát nai. Jiboni tour mutabek koronaváires espaik prothín or fatol espaik é baiccar danir háñsa fúçaiyore lou baáir gora o cómbob noi. Baicca hámel or thaim yáto dut or baicca tákile véksin mara héfazot ase. Hámel ola beçiyain olttu KOVÍDH-19 or harone kothín biaram foriyóre hópithal túla foréde inhdílla hótora becí. Zodi súwal-sal tákile oñnor dhakthor loi hota hoiyo.



### Hákikot #6

**KOVÍDH-19 véksin ólot honó maikroucíp yáto fisáli lode dhivais nai.**

KOVÍDH-19 véksin ólot maikroucíp yáto fisáli lode dhivais ókkol ase hoiyéde golot-ettela gan **misá sobut oiye**. Fotti véksin ot ki aséde íyan añára fakka gori zani. Fotti véksin ot aséde ciz or líis ore [onlain](#) ot faiba.



### Hákikot #7

**Lota biaraimma yáto sehét hóraf maincóttu itarar véksin maribor fala áile fouran véksin mari loon sa.**

Zodi oñnottu miçá biaram or dhoilla lota biaram tákile, oñnottu KOVÍDH-19 loi kothín biaram foribar hótora becí ase. KOVÍDH-19 véksin ókkol lota biaraimma yáto sehét hóraf maincóllo héfazot ar asór gore.